

حيات

اداره مرکزی :

آنقره ده ، استانبول جاده سنده آنقره
معارف امینکی یاننده کی دائره

استانبول بوروسى :

استانبولده ، باب عالی جاده سنده ۸۷ نوروده
دائره مخصوصه

نسخه سی هربرده ۱۰ غرور شر

سنگی پوسته ایله ۵ لیرا .
(اجنبی مملکتلر ایچین ۵ دولار) .

ایونه واعلان ایشلری ایچین استانبول بوروسه
مراجعت ایدیلیر .

یازی ایشلرینک مرجعی آنقره مرکزدر .

میار دامامیازه ... دیار داهایور حیات قاتلم ...!

- بیه -

صافی : ۵۰

آنقره ، ۱۰ تشرین ثانی ، ۱۹۲۷

۲ نجی جلد

براعتفال مناسبتیه

دیکله نهدن ، اکلنمه دن کچیرن « برتهلو » ، انسان سعینک نه لره مقتدر اولاییله جکینی اعظمی قوتله کوسترمن بر « آبد » ، صایلا بیلیر . بو متواضع ، بویوک روحی آدام ، هیچ بر زمان شان و شرف آرقه سنده قوشادی ؛ لکن کرک صاغلغنده کرک تولومندن صوکر ، استحقاق ایتدیکی بوتون شرفلره مالک اولدی . کشفیاتی اوکا ماده میلیونلر تأمین ایده بیلیدی ؛ فقط قناعتکار عالم ، مملکتک و انسانیتک نفی ایچون ، اولردن ده استغنا کوستردی . او ، علمک مطلق صورتده قدرته قانع بر « پوزیتیویست » ، بشریتک استقبالده رفاه و سعادتدن مطمئن ، نیکیین ، حراندیش بر انسان ، و سیاسی عقیده سی اعتباریله ده تام معناسیله وطن پرور بر جمهورنجی ایدی .

سیاست و اقتصادی منفعتلر ، فردلری و جمعیتلری چوق دفعه بر برندن آیریر ؛ لکن علم و صنعت ، انسانیتک بو الهی محصوللری ، انسانلرک اک اصیل و اک فراغتکار حسلرینی تحریک ایدهرک اوللری طوپلار ، برلشدریر ؛ بویوک عالم و بویوک صنعتکارلر ، ایشه بونقطه نظر دن ، ساده جه کندیلرینی یتیشدیره ن ملتارک دکل ، بلکه بوتون بشریتک مفاخرندن صایلا بیلیر . انسانیت ، آنجاق بو جنس بویوک آداملرک موجودیتی ، رهبرلکی ، مساعیسی سایه سنده حقیقی ماهیتی ادراک ایتمکده در . یالکز فرانسر ملتک بر جوجوغی دکل بوتون بشریتک سوکیلی اولادی اولان « برتهلو » ، ایشه بو جنس بویوک آداملردن ، بشریت خادم لردن بریدر . حیاتی و مساعیسی تورک کنجلیکی ایچون چوق تربیتکار

تالمنک بوتون تجلیلریله علاقه دار اولان چوق کنیش ، چوق احاطه لی برده ایدی . تحصیل و تربیسی ، فطری قابلیتلی ، فلسفه ، ادبیات ، تاریخ ساحه لرنده کی واسع معلوماتی ، اونی معین بر اختصاص ساحه سنک دار دائره سنده بو غولقدن قورنارمشدی . کندیسندن اول بر برینه تماماً یابانچی ایکی آری ساحه کی تلقی اولونان « معدنی کیمیا » ایله « عضوی کیمیا » آراسنده کی فرقلری قالدیرمه سی ، اوزمانا قدر آنجق حیاتک تشکیل ایده بیلدیکی ظن اولونان عضوی جسملری کیمیوی ترکیب سایه سنده وجوده کتیره بیلهرک کاشانی یکدیگرندن آیران بولملری ییقمه سی ، شهه سز ، بودماغک چوق قوتلی بر تاریخی و فلسفی تربیه دن نصیه دار اولماسیله قابل اولمشر . « مارسل برتهلو » مفکره سنی هیچ بر زمان لابوراتوارینک درت دیواری آراسنده محصور بر اقایان ، و حیاتک بوتون مسئله لرینی هیئت عمومیه سیله ادراک و احاطه یه ، حله چالیشان بر فیلسوف ، بر متفکر دی . یالکز کیمیا منتسبلرینک دکل ، فکر و فلسفه یله مناسبتی اولان هر فردک بو بویوک عالمه قارشی کوستردیکی ده رین و صمیمی علاقه ، ایشه بوندن دولاییدر . مملکتیزده مثبت علملره اوغراشا نلرک اکثریتله صنعت ، فلسفه یه ، تاریخه نه قدر لاقید و - مع الاسف - حتی استخفافکار داوراندقلرینی کورورز ؛ « برتهلو » یی بویکیلره دائماً بر نمونه کی کوسترمک ، مملکتیز ایچون چوق مفید اولور . « برتهلو » نک یاشامه و چالیشمه طرز ی ، تورک کنجلیکی ایچون بر موده ل تشکیل ایتمه لیدر ؛ بوتون حیاتی علم و حقیقت عشقیله هیچ دورمه دن ،

بویوک فرانسر طالمی « مارسل برتهلو » نک طوعدینی کونک یوزنجی ییل دونومی ، علم دنیا سنده یکیدن معظم تظاهرلره سببیت ویردی . بشریت ، یوکسک مساعیسیله علم تاریخنده چوق بارلاق بر شرف صحیفه سی اشغال ایدن بویوک عالمه قارشی بورجلی اولدینی شکران وظیفه سنی بو وسیله ایله تکرار خاطر لادی . « صوربون » ده بوتون مدنی ملتارک اشتراکیله یاپیلان محتمل مراسم ، و اونکله متراف اولارق هر طرفده ترتیب ایدیلن علمی احتفاللر ، اوکا عائد نشر ایدیلن یوزلرجه مقاله لر ، اثرلر ، بو قدر شناسلغک صریح بر افاده سیدر . پارسده مختلف ملتارک مادی یاردیملریله تمیل طاشی آتیلان « بین الملل کیمیا بوردی » ، « برتهلو » نک یوکسک خاطره سنه اتحاف ایدیلش بر شکران آبد سندن باشقا برشی دکدر . ایشه استانبول دارالفنونیه ده ، کچن پرشبه ، معارف و کیمزک فخری ریاستی آلتنده ترتیب ایتدیکی احتفال ایله ، یالکز فرانسه نک دکل بوتون انسانیتک مفاخرندن اولان بویوک عالمه نه درین بر علاقه یله مربوط اولدینی کوسترمشدر . جمهوریت تورکیه سنک بین الملل علم و فکر جریانلرینه قارشی نه قدر حساس ، نه قدر علاقه دار اولدینی بر دفعه داهای کوستره ن بو واقعه ، بو کونکی اداره ایله اسکی اداره لر آراسنده کی ذهنیت فرقنی ده پک بارز بر شکلده ایضاح ایده بیلیر .

« مارسل برتهلو » یالکز بویوک بر کیمیا کر ، ساده جه بو ساحه ده اسکی تلقیلری دکیشدیرمش و یکی حدودلر آجش بر عالم دکل ، فکر و صنعت

فرویدیزم دائرند قیقلر

برعصردن بری حرت جبهه مزی غرب ملتلی ایچنده تخصیصاً فرانسه به جویردک . بونکله برابر اعتراف ایدم که فرانسه نك علم و فلسفه عالیله، نشریاتیله لازم کلدیکی قادر مناسبت تأسیس ایدمه یوروز . بو، برلر و میدر ، یالکز فرانسه به می دونه لم، باشقه غرب ملتلرنک حرتی و فلسفی حیاتیله ده مناسبت تأسیس ایلک ایجاب ایتزمی ؟ بو، آیری برمسأله در. بوراده دیمک ایستدیکمز شی ، اجتماعی و فکری انباشمز اوزرنده عظیم تأثیری اولان فرانسه نك علمی و فلسفی نشریاتیله حال حاضرده مطلوب درجه ده علاقه دار اولمادیقمز در .

دیگر طرفدن هر نه دنه فرانسه کتابلری ، انتشارلرندن بر ایکی سنه سوکرا تورکیه ده کوروله بیلور . شبهه سز یاقیندن علاقه دار اولانلرک کونی کونه کتیرتدیک کتابلر موضوع بحث اولماز .

فرانسه ده روحیات وادیننده کونک حرارتلی مسأله لرینی غیر مشهور مسأله لری ، فرویدیت تقلیلر تشکیل ایتکده در. فرانسه روحیاتچیلری بوساحه ده کرک مجموعه لرله ، کرک کتابلرله خیلی نشریات یابدیلر و یاپورلر . ویانه لی روحیاتچی فرویدک فکریله فلسفه محیطمزله انسیت پیدا ایدشی ده بو نشریات سایه سنده در .

بر ، بریجی سنه اول فرویدیزم دائر یاپیلان نشریات آراسنده ایکی کتابدن بوکون قارئلری خبردار ایتک ایترز . بونلردن بریسی (ژان بودین) ک (فرویده قارشی : غیرمشهور روحیاتنک تنقیدی) آدی ائریدر . ایکنجیسی بارس روحیات مکتبی مدرسلردن دو قنور ژ. لومونیه نك (لوفرویدیزم : ایضاح و تنقید exposé et critique du Freudisme) اسمنی طاشیان کتابیدر . هرایکی آئرنده اولافرویدیزمک ایضاحی ، ثانیاً مختلف باقیملردن تنقیدی کورولویور .

..

ژان بودین آئرنده فرویدک روحیتنک عمومی قادروسی ناصل دوشوندیکنی، (غیر مشهور) ناصل واصل اولدیفنی کوستردکدن سوکرا بوقادرونک نه صورتله دولدورولدیفنی آ کلتیور . بورولی کورن محتوا ، فرویدک لسانه کوره (Eros) در. بوندن سوکرا سیستم ایکی جبهه عرض ایدبور . فیزولوژیک ، فیلوزوفیک . فیزولوژیک اولان

قسم ، فرویدک روحیاتی تشکیل ایدر . ژان بودین ، آئرنک سوکنده ، نهایت ، ماضی ایله ، غیرمشهور ایله علاقه دار اولایان بر فلسفه دن بحث ایتکده در. بزده ماضی ، کندینسه عطف ایدیلن مغلیقی طاشیاز . (جانی موجود ابدی برحالدن باشقه برشی دکلدر . L'être vivant n'est qu'un perpétuel présent

..

لومونیه نك اثری ده ا واضح ودها علمیدر . کتابک باشنده اطرافلی بر مدخل وار. برنجی فصل فردیدک دو قنرینی ، ایکنجی فصل پسینا آنالیزک نه وروزلره تطبیقی ، اوچنجی فصل عینی عمده نك فردی و معشری حیاته تطبیقی ، درنجی فصل تنقیدی مطالعه لری احتوا ایدبور .

شیمدی به قادر معلوم عضویات وروحیات بیلکیلرمنه کوره جنسی اشتغاللر ، آنجیق معین بر عضوی کمال دوره سنده باش کوستربرلر . بونک استثناسی یوق دکلدر . بعض جوجوقلرده وقتندن اول جنسی هیجان تظاهری واردر . بونک سبی یا ارثیدر ویا مرخیدر . ویاخود نروتیک بر معنا طاشیایان هرمانکی بر تقلیددر .

ایشته بوراده بزده نظراً (استثنائی) اولان حال ، فرویده کوره (عمومی) در . شویله که جوجوقده جنسی هیجان ساری ومنشتردر، ایلک طوغان جوجفک بوتون حرکتلرنده بوساری ومنشتر هیجانک تظاهری کوره بیلیرز . هیئت مجموعه سی (لیدو) دین برآد ایله افاده ایدیلن بو تظاهریلر ، معلوم اولدینی اوزره ، فرویدک استناد ایتدیک اساسلردر .

لومونیه نك بواساسلری آ کلتان واونی فردی و معشری حیاته تطبیق ایدن بحثلری ، فلسفه وروحیات ایله اشتغال ایدنلره شویله بویله معلومدر . مصطفی شکب بکک (فرویدیزم) آدی مترجم آری مطالعه ایدیله بیلیر . (لوفرویدیزم) مؤلفنک شایان دقت صحیفه لری ، تنقیدی قسملردر .

اجتماعیات تلقینسه نظراً هر نوع یکی فکرلر، یکی نظریه و تقلیل اجتماعی حیانک ایجابلیدر . برسیاسی اجتماعیات ، بر بدیی اجتماعیات یاننده برده فلسفی اجتماعیات تأسیس ایدیله بیلیر . بو شعبه ، بزده فلسفه تاریخنده کی مرحله و شخصیتلری اجتماعی بر طرزده ایضاح ایدر. لومونیه ده ده بوتلفینک ها کیتنی کورویوروز. فروید نه وروپاتلری تدقیق ایتدی، بر قاج جنسی هیجان فسادینه معروض قالمش اولانلرک ویردیک نتیجه لری دیگر نه وروپاتلره ده تشبیل ایتدی . ایکی سبیدن دولابی بوتشیل اونی تطمین ایدبور : بعض خسته لر بلکه فرویدک تقلیلرینه اولدن مطلعدرلر ، نه کی سؤاللر

صورولاجمنه واصل جواب ویرمک ایجاب ایتدیکنه واقعدرلر . بعض خسته لر سؤاللره لاعلی التمین جواب ویررلر . ایش جنسی هیجان کلدیمی فروید اولنری توقیف ایدر ، او نقطه اوزرنده فکرلرینی اشغال ایتدیرر . ایشته فرویدیزمک ظفری !... لومونیه بواضاحی (آسافه نیرغ) دن آلیور . فریاندلاننده ره نظراً فرویدیزمی آ کلامق ایچون ویانه لینک محیط شرائطی دوشونلیدر . ویانه ، برحظ بلده سیدر ، فحش و سفاقت بوتون جمعیت صنفلرینه یایلدشدر . فرویدک ، بو واقعه نك أسیری اولدینی سویله نه مزمی ؟ بر قاج حادثه کوردی واونی عموماً شیدردی . یچین برویانه لینک جنسی هیجان یاشایشی ، بز آلمانلرده و بوتون انسانلرده کوره مه یوروز، فریاندلاننده راهمیتله شونقطه به اشارت ایدییور : کندیسی ۲۳ یاشنده ایکن اتخار ایدن وشهوی عشقک چیلغنجه مبتلاسی اولان (اوتو واینر) ایله مناسبتدار ایدی .

بوتون بونلره علاوه لومونیه بر سبب دها کوستریبور . جرمن مملکتلرنده کزنلر و سیاحت ایدنلر بک اعلا بیلیرلرکه او مملکتلر خلقنک جنسی هیجانلری تلقی طرزلی ، لاتین حرثیه بسلشمش مملکتلرده ومثلاً فرانسه ده اولدینی کی دکلدر . جرمن یوردلرنده جنسی مناسبتلر ، آجیق بر صورتده بوتون اشکالیه یاشار . شهوی عشقه دائر فیلملر ، آلمانیا ده مبدولدر. دیگر طرفدن جرمن عرقنه خاص اولان (سقاتومانی) فروید وطلبه لرینی دوشونورکن خاطر لاق لازمدر . مؤلف ، جرمن حرت و دیلی یاشایان مملکتلرده فرویدیزمک بک متعصب طرفدار لغنی بونکله ایضاحه چالیشمقده در .

..

فلسفه و علم محیطمزده فرویدیزم ایله نسبی بر علاقه دارلق کوربوروز . پسینا لوزیک بر نظریه به قارشلی حس ایدیلن توجه و رغبت تقدیر ایدلیدر . یالکز هر حادثه و نظریه قارشوشنده اولدینی کی ، ویانه لی روحیاتچینک سیستمی مواجهه سنده ده منفعل دکل ، فاعل و تعقیب کار بر خط حرکت آلاملی بز . بارس روحیات مکتبی پرونسوری، آئرنده، قارئلرینی بو نقطه به دعوت ایدبور که بودعوت الحق برنده در.

ص ۵۰ ف



مدیر مسئول : محمد امین
استانبول — دولت مطبعه سی